




明詩正聲卷四十九 五言絕句三

盧純學

吳



廣陵

江一夔

校閱

閱

隴水曲

盧柟

隴山當面起隴水向西流中含妾墮淚幾日到

涼州

山雨

峽雨晝不絕暝烟沉孤嶂徘徊山中人苔蘚生
衣上

拜月詞

下階拜新月不覺燕釵墜濃露凝珠光是妾眼中淚

長安道

李先芳

朝行長安道暮行長安道紅塵奪朱顏那能不速老

閨怨

閨人望征夫男兒愛少婦欲剪白髮寄郎心豈如故

莊居偶成

楊金

黃犢一犁曉青山是處春門幽無俗鞅心遠即閒人

自君之出矣

自君之出矣對月數歸期遙憶邊庭月今宵知對誰

漁圖

汪心

蘆葦動秋風短篷共蕭索收綸自嘯歌款乃山月白

子夜歌

江汜

歡為荷花片儂作蓮房子蓮子心自苦花落逐
流水

其二

玉關三萬里道遠不可即我願比飛鴻化作南
歸翼

登城南樓

王世懋

為愛終南色時登城上樓莫將千古意喚起夕
陽愁

渡葫蘆河大霧

六月三川渡晨征霧不開長安不可望何處問
胥臺

贈蘇四

歐大任

蘇卿還上國征馬別躊躇若到長安日無忘鴈
足書

裴公洞逢無語僧

折蘆渡江來已面九年壁何事說經臺空中雨
花碧

海月臺

郭第

海潮生臺下海月照臺上潮落月轉西三山一
相望

玉勾洞

洞口簇瓊花影落瑤臺月夜半鶴飛廻登臺望
華闕

新月窓望金山懷祠上人

借此新月光照見金沙影不見定裏僧遙遙客
心冷

夢盧子明

君似垂釣翁亦有狂奴態昨夜夢隨君煎茶興
猶在

松軒

長松落天影風生亂水絃願君掃松花浸酒期
長年

吳仲實並蒂紅蘭

雲外九疑峰瓊霞映江島二妃不可見化作同
心草

花底鴛鴦葉

洞口香風生翩翩下黃鶴拾以紀遐心蓬海同寥廓

午日酬宗儒惠酒

盧純忠

蒲葉開新釀君還念獨醒醉餘高枕外一片遠山青

漂母祠

吳擴

賢哉一飯恩千載猶廟食如何漢諸陵窳冥生荆棘

古意

史自守

到枕孤鴈聲穿窓殘月影心掛轆轤繩隨瓶落金井

其二

新郎卜遠行風雨阻去騎安得再風雨明朝猶未去

金山別陳元甫

陳純

客裡難為別同登江上山聊呼江上酒一醉破離顏

送翁武舉出塞赴陳中丞幕 黃克晦
欲繫單于頸長繩鍊縷絲出塞人應笑入關世
始知

其二

丈夫重意氣千金酬一餐長劍白如水剖心君
試看

樵歌貽盧子明

採薪入深林唱歌出幽谷樵歌非無辭辭古不
可讀

遠眺亭

林雲程

幽禽花外喧危石烟中峭冉冉山欲昏千村翻
夕照

擷芳亭

碧艸齊抽芽紅芳爭吐萼徑深來者稀閉戶任
開落

湖上和郭次甫

姚淞

禪宮幾消歇春事隨流水長日不逢人深山啼
杜宇

其二

雨後溪水生風蘆動清響微茫孤月光併在澄湖上

秋日

江一魚

山中秋色淨芙蓉嬌欲語海氣冥冥來散作三峰雨

其二

幽人未遽眠山中明月好黃葉滿石梁秋風為我掃

懷盧子明山中

君住青山南我住青山北昨見白雲飛宛然覩顏色

桃葉曲

張以文

桃葉比儂羸桃花比儂貌並立大堤頭不知儂懷抱

奎章樓望月

林世璧

獨上高樓望迢迢秋月光誰言秋月好祇是斷人腸

促織

金縷金

終日不成粧
誰家絡緯娘
幾時纔一疋
添作舞衣裳

碧雲寺洞中聽小菴上人彈琴

于若瀛

古洞彈鳴琴
泠然發清響
聽罷不知眠
團團明月

臨流奏五絃
鳴玉出幽壑
清風時復來
細細藤花落

送金伯謙北行

吳錦

浮雲西北征
客心渾不住
到日屬秋深
寒生灞陵樹

松鶴

金鎰

返照入高林
歸來雙白鶴
長鳴引天風
松花細吹落

梨花

金銘

簾捲春雲重
風飄白雪香
西窓今夜月
分影過東墻

遲趙敬夫不至

葛幼玄

寒潮來復落思君度烟嶺獨坐梧葉深遙空白雲影

鋤

言采白雲根時入白雲裏歸來五藥香尚帶夕

烟煮

中秋夜坐

莫叔明

秋堦竹下閒亂葉螢飛過月色似霜華醉來解衣卧

送吳少君之天台

張邦仁

天台瀑布泉飛流幾千丈迸地生紫烟朝陽照其上

九日舟中

汪時元

秋風葉正飛江上逢重九人世幾登高窳冥黃花酒

日夕

張文介

日夕何所之山頭採新蕨深心向誰論長歌對松月

醉醒口號

夜分醉微醒山樓半銜月
閨人猶未眠月底看
蠶葉

子夜歌

李言恭

春到轉傷情春愁夢自驚
怪殺花間鳥雙雙向
妾鳴

其二

深閨夜欲闌風雨一燈殘
君向遼西去遼西路
萬盤

其三

西風鬢欲斑愁殺大刀環
此夜閨中月還應照
玉關

其四

昔若三春華今如三秋草
思君苦斷腸安得不
成老

題驛舍壁

顧大典

客館悲春盡征途轉憶家
韶華不相待開落故
園花

送父質甫

送客城南陌相將折柳枝柔條未入手離緒已如絲

題繡佛齋

頂禮莊嚴相廣說微妙音願依般若法永證菩提心

寄竒羨仲譚永明

曾仕鑑

送子楊柳津垂垂柳絲綠柳絲空自長不繫車輪足

飛來峯

王叔承

飛來靈鷲峰一片玲瓏玉可能復飛歸乘余下天竺

萬松嶺懷王伯安

之子竟淪亡萬松落寒翠我來殘月明空山語魑魅

揚州歌

寒風吹馬頭十月下揚州酒市堪留宿家家有莫愁

西山遇采藥道人

怪藥滿青籃神農不曾見
咲乞一草嘗上帶紫霞片

蘭巖

月白歌楚騷巖香灑幽翠
采芳獨含情欲作湘君佩

石道

蘿蹊古翠重不是人間路
日晚蒼鹿歸朝來白雲去

夕霽亭

暮光銜半山紫翠千村結
斜陽雨底開人家半明滅

松齋

江濤入座寒龍影橫窓碧
根東生茯苓根西生琥珀

芙蓉

露白波光亂湘娥澹欲歸
輕紅寒不散江上落秋衣

石鼓山合江亭蒸湘二水所會

亭下蒸湘合江喧山欲流亂碑看不了風雨入

衡州

湘君廟折斑竹寄胡侍御原荆

請看竹上痕點點淚不滅美人去不還何事猶
啼血

其二

歲寒節獨持天崩淚無數寄語同心人千秋尚
如故

澧州蘭江驛

沙城浮澧色江驛傷蘭花直欲捐瑤佩乘風采
月華

章華臺

國破花皆絕臺空草不堪可知貧士宅行客問
羅含

杉木林

苔痕數百圍歷歷參天翠當年洪水收留得羣
龍蛻

雨後雜興

溪娃逐晚涼
雙雙戲簷底
笑入葺花棚
燒燈尋絡緯

蕪城

一夜西風顛
烟花盡非故
如何亂草間
留得蕪城賦

弩臺

西風空戰馬
落日盡耕牛
拾得黃金鏃
猶穿古罽毼

玉鈎斜

春郊留玉骨
青草自黃昏
杜宇空啼血
誰招帝子魂

杖

解虎餘蒼節
為龍半紫髯
十年雲水遍
點破萬峰尖

劍

三尺蓮花霜
石裏蒼龍蛻
十年挂床頭
青天語魑魅

晚泊鶯脰湖

陸弼

賈客紛往來漁火乍明滅對酒思故鄉杯中見

新月

登嶽麓絕頂觀禹碑

趙世顯

禹刻自何年蒼蘚封蝌蚪我來掃石看萬壑蛟龍走

見月

昔日巴南客今朝薊北身可憐天上月長照別離人

淮陰侯

淮上西風起年年草自秋英雄千古恨不共水東流

寄懷高存德

長安一片月長照別離顏日日風塵裏思君鬢欲斑

宗將軍戰場

王穉登

射盡白羽箭戰士不肯去春來草痕赤舊日流血處

其二

結髮為飛騎相從霍冠軍征南諸將士枯骨論
功勳

石門曲

蠶成桑葉空門前青苔長一半織郎衣一半結
魚網

碧雲寺金魚

魚因聽法至池為放生開不是腰間佩安能換
酒來

菁山道中

烟渚八百桑沙田一半秫人携鹿去來舟載雲
出入

其二

風急夜防虎月明人捕魚山雲長五色太史近
藏書

冷泉亭

暮瀑浮花急春流飲鹿渾潺湲一片雨終日在
山門

玄覽樓

高樓一曠望遐思入寥廓天際真人來蹁躚下
黃鶴

清修閣

小閣頰清渠匡床枕流卧朝來簟紋濕知有白
雲過

綠水

綠水浮菡萏明鏡出湘娥翠袖西風起滾滾夕
露多

為友人戲贈楊柳姬

蕭譽

只道顏如花何知花似雪此時正青青君來好
攀折

山中獨宿

暮雨響空山天風翻礪底泉聲故近人欲睡驚
還起

宮怨

王同軌

宋巷蕤鎖殘燈黯淡花閒吹玉窻窸送月過
窻紗

明言正聲 卷之四
閨怨

男兒恥佩蘭沙塞老征鞍金刀歸帶血不顧盡
眉殘

過山家

群峰何岌岌繞屋風篁泣雲來亞地飛不雨林
光濕

李仲岳宅小集

濮陽傳

茶鐺香煮雪硯墨暖生雲客醉青苔上閒看鳥
篆文

秋閨

含淚寄征裳遼西月渺茫秋風入針線寸寸刺
離腸

寄題舊社

晴霞散晚隄烟樹夕陽西舊日花空發春山鳥
自啼

明詩正聲卷四十九

明詩正聲卷五十

五言絕句四

廣陵

盧純學

編輯

江一夔

校閱

春日莊居

屠隆

鳥鳴山路幽
秧田春雨足
夜來新水平
開門見

新綠

淮泗

野曠天逾高
苔覆碑陰卧
松栢但蕭蕭
不識誰

家墓

西施

白日荷花語青春山鳥啼吳王宮裡月不及若
耶溪

龍陽君

曉起玉階除宮花日照初請君看落葉不必泣
前魚

韓重荅紫玉歌

中心如皦日君王不見省黃泉以為期天青墓
花冷

高漸離擊筑

白日雖杲杲不移喬木陰黃金雖如山不改烈
士心

鄭櫻桃

雲薄鐘聲度日斜簾影高宮花一萬樹妬殺鄭
櫻桃

送徐孟孺哭茅生

茅生者遊間公子也嘗捐百金贈孟孺
孟孺不受而心銜其義矣于其死走哭

明詩正聲 卷之五十一
之子古人心含恩在一顧生不受千金死乃哭
其墓

元旦有懷

世事今無賴人生懷所歡布衣真極貴何事戀
微官

吳歌

兩男易斗粟猶勝委長渠厨中無夜飯門外收
官租

其二

風蓬鳴夜雨水檻出蒼烟夫妻湖口住白首不
相捐

宛陵道上松乃先公為郡時所植

胡旦

椿樹迥不見松楸轉可驚異鄉感遺跡駐馬一
含情

萬竹軒次沈君典韻

開軒臨綺石翠碧繞琅玕雲度千峰靜風吹五

月寒

澧州過車胤囊螢讀書處

車大任

在變碑仍在臺荒姓尚存經過思感激千載媿
諸孫

野田行

梅鼎祚

陰風吹白楊饑鷹啄枯骨夜深燐火明老狐拜
新月

銅爵怨

一旦雄圖盡漳流日夜東獨餘歌舞妾臺上泣

西風

有期

碧雲看暮合美人期夜來春風先報喜催得燭
花開

失期

美人期不來燭花亦自落明月鑒空帷清霜散
寒柝

牛渚待月待史使君留皖城未至

知有前期在扁舟尚未還莫將牛渚月不及皖

公山

蕪江雜詠

舟中何所有孤劍倚林立不聞風雨聲但見蛟龍泣

閨思

張邦伊

辛苦嗟行客淒涼嘆索居別來無的信昨得充

州書

為徐孟孺題畫

陸應陽

石磴生寒烟木葉散人影天空鴈不來日暮蒼

山冷

題畫

落日明沙渚長空天倒流西風一鴈過驚破洞庭秋

其二

天空雨初霽杖策西岵裏嵐氣忽成霞吹落萬山紫

十七夜江雲樓對月

朱正初

萬籟寂不動半窓星斗寒月光圓易缺着意此

宵看

山中雜詠

俞沂

開窓坐幽閣孤峰靜相對月出夜寂寥葉落山
犬吠

題畫扇送方德履入燕

陳永年

歷歷青山近雲生掌上寒江南有秋色持去薊
門看

送別

汪定之

白髮送行人怪來情更切餘生能幾何復使傷

離別

題江邊柳

葉之芳

楊子津邊柳秋風葉乍凋生當離別處不得長
長條

詠雨中桃花

粉面嬌含淚無言泣向人似知顏易老翻自怨
青春

燕坐湖亭

鄧伯羔

明月破青天熒熒照孤影萬籟寂無聲風吹紫

芝冷

詠雲

野水寒相映芳林濕不開美人初睡起飛上曉
鬟來

焦山雲烟閣逢焦弱侯

入徑蒼烟深巖棲白雲穩却有三詔人千年還
舊隱

其二

高閣倚秋雲清言坐淺雨遠磬時一鳴悠然不

知處

贈李五妹

吳士良

生長本良家墮作倡家女有恨託琵琶琵琶不
能語

舟阻漢口

朝發武昌城信宿漢江口月明誰可親依依數
株柳

野望

汪道弘

白日柴門靜青山草徑深獨行人不見流水入

花陰

秋夜

程玘實

踈桐閣暝色寒溜送秋響草徑無人行捲簾山
月上

蒺盤塘

李敏

朝蒺盤塘坳夕望潯陽郭江空雨冥冥無風客
慨落

賈誼

汪淮

絳灌雖云妬憐才是漢家洛陽年少者猶得傳

長沙

前溪曲

楊承鯤

花叢前溪路春生舊草芽將心逐流水無處不

灤泗

城南晚眺

寒山望無極惟有孤烟起日落紫霞飛片片秋
江裏

重過天井寺

山晚行人少到來雲氣生西上花落盡半是子

規聲

其二

失意頻來易尋人日每斜山僧已自厭強為着
袈裟

月明橋

高燼

何處月明橋花宮對浦潮即今明月夜時有客
吹簫

秋晚

吳鎮

風高野水寒天遠青山小渡口人不來斜陽送

歸鳥

漁人

盧灑

江頭春草生江上春水長十日不出門魚苗大
如掌

萬金湖

湖日照茅屋湖雲低不飛桃花春水闊多見鱖
魚肥

述嬾

科頭不出門歲月已忘記燕窩花片來知是春

日言正卷
九之五
歸去

月夜有懷

吳錕

一水美人隔孤城
獨客愁楚雲飛
欲盡殘月下
西樓

王園再別江別駕季章

許聞造

殘雨濕飛花
琵琶弄晚霞
明年花發後
誰與聽琵琶

真州侯帥之席上看梅

柳應芳

此是還家路
如何不見家
却從他席上
含淚看

梅花

閨詞

黃鸝曉並啼
紫燕晝雙栖
栖在妾梁上
啼在妾窓西

武陵曲

何良臣

不識桃源路
東風未及春
斜陽烟樹裏
多是避秦人

雪中寄趙髯翁

謾說參軍病
還同原憲貧
相知何處是
風雪對

愁人

懷何惟聖

孫朗

隣閣起孤笛因之懷遠人
江邊梅柳盡那寄洛陽春

山寺聞鐘

暮靄發空青經聲出深翠
祇聞雲際鐘不見雲邊寺

懷張比孟

謝紹訥

一片宛溪雲飛來復飛去
願因西南風吹落鐘

修樹

其二

明月暮江前漸出蒼煙裏
但照敬亭山不照秦淮水

紅梅亭

倪光胤

艷曲歌聲斷紅梅已作薪
空餘亭上草風雨泣青春

玄武湖

憶昔豪華地潺湲空白波
至今湖上月夜夜照

烟蘿

山中夜懷盧子明先生

山館寂無人孤鴻度長薄相思愁不眠明月窺
帷幕

丹竈寒烟

仙迹杳然去洞門瑤草鮮至今丹竈裡猶積古
時烟

凌猷夕照

宋玉舊時臺猶懸夕陽赤不照綺羅人但照蒼

苔石

遲陶甄卿不至

江震祚

秋酌開幽庭寒花照片石故人杳難期明月為
誰白

思鄉曲

韓尼生

蕪城見秋色悽然思故鄉寒雲與鴻鴈相對欲
沾裳

子夜歌

張璵

願為楊柳枝亦願為柳絮柳枝得郎攀柳絮擢

郎臂

其二

天熱不成寐
半夜促郎起
共浴芙蓉池
水中得蓮子

秋夜懷何惟聖

丘陵

秋風鳴寒林
不寐對孤燭
故人燕市遙
隣笛亂心曲

寒夜有懷黃三荆卿

夜靜北風肅
蕭蕭響林木
明月來照人
空山獨

自宿

其二

爐火伴寒宵
輟琴坐孤閣
不見同心人
夜夜燈花落

玄覽閣

顧冶

木杪見前山
超然寄玄穆
支頤俯春風
流鶯度空谷

蠓磯

蠓老蛟也在大江中有孫夫人廟

深夜腥風黑
寒流劍光白
上有夫人宮
下有老

蛟宅

晚渡北固追憶故人胡原荆

手擲青銅錢晚買漁郎渡誰謂北固山便作西
州路

南屏山問孫太初故跡

山影碧重湖藤花紫殘照冷然響松聲疑有孫
登嘯

乙酉秋九月廿七夜余西閣燈盞中忽結
一綠珠細于芥子試採而剖之乃堅而有

光英英刺目余甚異焉先是遣人齎香補
陀大士燈初作花頗鉅已若吐善財參大
士狀蓋眼鼻口耳無弗具者而最奇在雙
手合掌宛然現蓮花上也時余說于人人
不以為信乃今得珠則成象矣豈所謂盞
珠者耶余既藏珠於囊復題二絕艷之
月吐盞珠宮幻影燈前墜綠焰竟西天莫有胡
僧至

其二

燈花太神異紅蓮踏善財傍人說不信龍女送珠來

得燈珠六日強為俗人所視忽不見信神物哉

是物真稀有俗眼不可覩本自空中來仍向空中去

四十八渡

黃德水

武溪多野涉一日四十八入水人脛寒登崖馬蹄滑

閨秀

雨中寫懷

朱靜菴

茅屋無客過蒼苔滿庭綠誰憐楊子居寥寥苦幽獨

秋夜

潘氏

落葉風雨裏窓前滿地紅飛禽鳴老樹白月正當空

其二

獨坐小窓下幽蛩不絕鳴青天孤月淨滿耳是

秋聲

秋月

園亭當水中兩岸蘆花雪夜深人未眠碧水蕩
秋月

其二

寒月悠悠靜窓前慘淡風荒山黃葉舞秋色滿
江中

其三

風洒小園竹珊珊琅玕玉月白長空青冷光浸

碧綠

其四

暮雲栖野樹秋水蕩寒波板橋明月夜織女渡
天河

蓮塘

月自東山白風生渡口涼孤舟蕩烟水滿袖藕
花香

其二

溪水流東去垂楊對我門淒涼斷橋路殘月照

黃昏

悶懷

王素娥

妾淚非易彈
鄉關渺千里
世事與愁腸
相對何人語

暮秋

陳孺人

野色滿園中
閒情立晚風
菊花含雨艷
楓葉醉霜紅

憶別二首

周夫人

憶別河橋柳
青青送馬蹄
妾心與羌笛
無日不

遼西

其二

試把金錢卜
天涯憶別離
問君何日至
慰妾幾迴思

子夜歌

涼風吹北窓
槐陰深幾許
帶露摘荷花
笑共鴛鴦語

其二

團扇不禁秋
而况人千里
新月下簾櫳
空庭落

桂子

妓

花源逢顧何二使君作

姜舜玉

僊源深幾曲夾岸桃花開忽漫逢劉阮殷勤勸酒杯

釋

秋江送別

宗泐

江頭楊柳樹秋雨更蕭蕭可惜長條盡那堪折短條

問春

魯山

東風送春來散入羣芳去花謝鳥聲閒春歸向何處

長安春日作

天祥

何事長安客春來思易迷樂遊原上草無日不萋萋

山中即事

傅慧

松子掃還落溪雲去復來試看新竹樹半是手親栽

過脩園

落日窺樊圃移舟傍晚山江雲低樹白庭草入
秋斑

其二

徑曲松陰合門幽竹色新禪心元不住偏與野
鷗親

